

南潯志卷四十三

里人周慶雲纂

大事記二

史案二

全祖望江浙兩大獄記江浙有兩大獄一爲莊廷鑑史禍一爲戴名世南山集之禍予備記其始末蓋爲妄作者戒也明相國烏程朱文恪公嘗著明史舉大經大法者筆之已刻行於世未刊者爲列朝諸臣傳國變後朱氏家中落以稿本質千金於莊廷鑑廷鑑家故富因竄名已作刻之補崇禎一朝事中多指斥昭代語歲癸卯歸安知縣吳之榮罷官謀以告訐爲功藉此作起復地白其事於將軍松魁魁移巡撫朱昌祚朱牒督學胡尚衡廷鑑並納重賂以免乃稍易指斥語重刊之之榮計不行特

南潯志

卷四十三

大事記一

一

購得初刊本上之法司事聞遣刑部侍郎出讞獄時廷鑑已死戮其尸誅弟廷鉞舊禮部侍郎李令哲曾作序亦伏法并及其四子令哲幼子年十六法司令其減供一歲例得免死充軍對曰予見父兄死不忍獨生卒不易供而死序中稱舊史朱氏者指文恪也之榮素怨南潯富人朱佑明遂嫁禍且指其姓名以證并誅其五子松魁及幕客程維藩械赴京師魁以八議僅削官維藩戮於燕市昌祚尚衡賄讞獄者委過於初申覆之學官歸安烏程兩學官並坐斬而二人幸免湖州太守譚希閔泣官甫半月事發與推官李煥皆以隱匿罪至絞澣墅關權貨主事李尚白聞閫門書坊有是書遣役購之適書賈他出役坐其鄰一朱姓者少待及書賈返朱爲判其價時主事已入京以購逆

書立斬書賈及役斬於杭鄰朱姓者因年踰七十免死偕其妻發極邊歸安茅元錫方爲朝邑令與吳之鏞之銘兄弟嘗預參校悉被戮時江楚諸名士列名書中者皆死刻工及鬻書者同日刑惟海甯查繼佐仁和陸圻當獄初起先首告謂廷鑪慕其名列之參校中得脫罪是獄也死者七十餘人婦女並給邊蓋浙之大吏及讞獄之侍郎鑒於松魁且畏之榮復有言雖有冤者不敢奏雪也之榮卒以此起用并以所籍朱佑明之產給之後仕至右僉都

按此記誤點甚多見下楊鳳苞記史案本末攷正

翁廣平書湖州莊氏史獄吳興之南潯鎮有莊氏九龍焉九龍者莊允城與其弟允坤允埰及子廷鑪廷鉞允埰子廷鑣廷鏐廷鏡廷銑俱以才名著故時比荀氏八龍世居吳江之陸家港

南潯志

卷四十二

大事記一

二

至允城始徙南潯允城字君維明季歲貢生爲復社遺老善望氣術偶過南潯之夏家園見金銀氣甚盛遂購居之獲藏金無

算

見無名氏湖濱雜記允埰名不詳以明末江蘇督學全案得之

時里中有朱佑明

一作民

者父

爲木工與鄰寺老僧善父死佑明給使寺中僞爲馴謹僧信任之先是有湖廣商人擁厚貲因寇氛路梗以銀置桐油籠中寄僧舍約曰俟我五年不來而後售適市中桐油價倍增命佑明售其值以待佑明發籠得銀驟富誑僧以獲窖金閱七年商人至就僧索桐油僧曰無憂佑明長者不我負也同造佑明佑明歡迎曰賴客貲得厚其息請以原數歸僕取其羨幸矣商大喜留飲竟醉同宿東軒夜半率健僕刺殺商且及僧僧曰吾爲德於爾殺之不祥佑明日大恩難報舍之不祥僧曰休矣二十年

後與汝了此公案竟殺之

長洲顧燮儋瓠消暑間記朱送客居別莊宴飲無虛日客樂之月餘燔其

莊僧與客俱死當湖盧仲山紀茗中獄事佑明父為木匠曾得某客寄僧舍桐油中銀驟富後客來索銀朱不諱盡還之客喜

而去朱密令家丁伺于百里外殺而奪其銀按顧說似合

知其事者畏而不敢發也嗣後佑

明家益饒所為愈恣肆里中士夫羞與往還賁緣曹村金相國

締姻相國送女至佑明別起華堂盛供張飲饌極山海之珍相

國顧語客曰美哉室惜題署無鉅公長德佑明聞而耻之買得

故相朱公國禎清美堂廳事其額則華亭董宗伯書也乃去故

相歎署而加髹焉

白鵠山房紀事

佑明以女妻莊廷鑑廷鑑字子美年

十九中拔萃選

湖濱雜記

旋目盲

盧氏紀事云莊氏之子曰君味者有才而目盲謔

因思史

遷有左邱失明厥有國語之說遂欲著書成一家言初故相朱

公嘗取國家大事及公卿章疏誌狀命胥鈔錄數十帙

顧亭林集結埼

南潯志

卷四十三

大事記二

三

亭外編消暑間記其書曰史概題曰清美堂湖濱雜記購得處士朱不遠史概未成稿吳赤溟文僅曰烏程之史概

廷鑑

得之爰招致賓客日夜編輯為明書書垂成而廷鑑卒無子其

父允城流涕曰我當先刻其書而後為之置嗣

亭林集參受貫齋遺稿

佑

明力任剗劂書刻清美堂藏板欲附名以傳也

盧氏紀事書印出者四十餘部

後知有忌諱語以重價購贖僅亡其二一在朱佑明家一在吳之雄家謔

書凡百餘冊所附參訂姓

氏二十四人皆一時知名士實半竊其名而列入者先允城之

京師客其舅氏吳尚書默邸夜夢梁間白鳳飛來求救明日吳

閱大辟囚文案有盜曰梁飛鳳允城以夢告遂釋之允城復給

金帛并書薦於某總兵從征湖苗有功仕至兩浙提督因感允

城恩約為兄弟時至允城所建百尺樓中辛丑歲有烏程令吳

之榮者年二十餘以賊繫獄遇赦得出嘗有求於佑明佑明不

卽見屬門客延之入宿東軒見廷鑪所著書多忌諱語遂持以

要賂

見鮎琦亭外編又盧氏紀事佑明很戾如其父偶被塾師所嘲欲閉門殺其師為館僮所泄師挾其書踰牆而遁首

于江甯總督莊與朱費數萬金重鑄其板板追入官而坐師以誣知此事告訐者不獨之榮一人也 允城欲許之

梁飛鳳曰踵此而來盡子之產不足以給也遂使部將驅之境

外湖濱雜記盧氏紀事莊氏有通家為浙江按察使未之官先至莊氏訪利病莊以革職令吳之雄為地方害及涖任卽逐

於是之榮白其事於將軍松魁魁移巡撫朱昌祚朱牒督學

胡尚衡允城並納重賄以免是年廷鑪已死亭林曰諸大吏右允城不直之榮 乃稍易

忌諱語重刊之之榮計不得行特購初刊本全氏外編 遂入京上之

四大臣大怒遣官至杭全氏外編遣刑部侍郎 執廷鑪之父允城及其兄

廷鉞與弟姪等之列名於是書者十八人皆論死湖濱雜記卽逮允城至京

令三法司訊之允城音已啞蓋之榮陰使人藥之也壬寅冬允城死大理寺獄明年春復遣官至杭窮治之 允坤死

南潯志

卷四十三

大事記二

四

於成書前不列名不坐而發廷鑪墓焚其骨籍沒其家產并坐

朱佑明家

盧氏紀事讞問吳之雄朱相公者為誰之雄未知相國也因嘗有求于佑明而不得卽以佑明當之且以

清美堂為證也

參訂二十四人中吳江董二酉死二歲剖棺剉其屍張

雋投水死

叢鷄窗談

胡某逃匿海濱為僧海甯查伊璜識拔吳六奇

於未遇時至是為兩廣提督遂奏免其罪海甯范文白亦免或

謂亦六奇救之也湖濱雜記參觚贖貫齋遺稿 烏程閔毅夫聲仁和陸麗京

圻已繫獄而得釋閔本南雷文約陸本遂初堂集 其餘歸安茅元錫方為朝邑

令吳之鏞之銘兄弟吳江吳炎潘檉章等十餘人并刻書鬻書

者同磔於杭之弼教坊時癸卯五月五日也作序者禮部侍郎

李令哲亦伏法并及其四子令哲幼子年十六法司令其減供

一歲例得免死充軍對曰余見父兄死不忍獨生卒不易供而

死將軍松魁及幕客程維藩械赴京師魁以八議減罪僅削官

維藩戮於燕市朱昌祚胡尚衡賄讞者委過于初申覆之學官

故烏程歸安兩學官並斬而朱胡幸免湖州太守譚希閔推官

李煥皆以隱匿罪絞滄野關權貨主事李尙白

松陵文鈔作艱人李繼白好古

文坐權聞閭門書肆中有是書遣役購之肆鄰朱姓者為判其

價時主事已入京以購逆書立斬書估及役斬於杭朱姓者以

年踰七十免死偕其妻發極邊其列名之同產昆弟子男年十

五以下者并妻子俱論戍是獄也死者七十餘人遣戍者百餘

人

全氏外編參亭林集又觚牘作死者二百餘人誤并戍者而

郡守烏程令皆坐斬死者共數百人其流徙及入官者千餘人

皆不與人吳之榮卒以此起用并以所籍朱佑明之產給之後

南潯志

卷四十三

大事記二

仕至右僉都

石里紀事之榮居京師生人面瘡蔓延徧體醫言

勃如故復次第割之磔肢體楚痛哀號宛轉累日而後死盧

氏紀事之榮以發奸加道銜起用見被殺者多亦痛哭追悔至

武當山建壇懺罪為神所擊伏不能起昇歸疽發于背洞見五

臟而死當讞獄時浙之大吏與刑部侍郎鑒于松魁且畏之榮

復有言故知有冤莊氏及參訂諸人在武林軍獄時雖受桎梏

之苦而滿洲佟將軍頗加防護飲食供奉無或缺尚得以詩歌

相倡和就刑時諸人有作絕命詞者佟將軍搜其遺草摹刻之

共六石今惟廷塗一石存焉廷塗字美三詞翰俱妙有豚犬縱

難全覆卵糟糠豈罪及然其氣潮迴江上月全家淚灑武林

春等句潘吳詩載觚牘中吳有贈美生詩即美三也廷鉞字佐

璜才華最富七歲能詩著有百尺樓詩稿有檣杌有名終累楚

鳴夷無後可留齊之句罹禍時年二十四若上詩鈔選其詩作

嚴三史虎邱志作嚴戍云當發難時其友朋親族奴僕之爲存孤計者有數人一爲馬要沈修若匿廷銑一子于家家人恐禍及修若曰急難相救正在此時若學他人畏避安賴此親戚爲蓋所匿者其外孫也一爲吳淩馬价人素任俠與廷鑣善率拳勇數十人從檻車中奪廷鑣少子認爲己子邏卒并逮价人三受三木之刑無異辭遂率其少子以去莊君佩者允城從弟也獄急時君佩竭力營救并給衣食復盡收十八人骸骨歸葬於祖塋之側莊西雍允城族子在都知難發命善走者曰馳五百里至家使區處後事越五日邏者始及門廷鑣長子濟字曰鱗十歲補博士弟子以文名遣戍瀋陽震澤沈謙至戍所設奇運策救之歸濟更姓王有半硯齋詩稿沈謙見縣志孝義傳其三

僕及僕婦乳母五人皆廷鉞家人一日計阿翁廷鉞妻潘氏媵僕也阿翁隨潘至戍所事主母備嘗荼苦主母死土人欲火葬司翁以死爭得免乃收拾遺骸走萬里歸葬一日高僕婦高兄弟二人亦隨主母及小主人同戍二人觸瘴死其兄之妻在家守節半硯齋稿中有高僕婦一篇一日松江乳母朱姓或曰謝姓曾以珠籠匿廷鉞三歲子繩武遁跡松江與其夫紡織以爲食後莊氏求繩武歸及長思報乳母夫婦恩竟不可蹤跡湖濱雜紀余按莊氏史事亭林集貫齋集觚牘皆載之邑志亦及焉貫齋於莊氏兄弟不置褒貶仲山則以才稱之亭林則曰不甚通曉古今其書冗襍不足道也又曰余一至其家薄其人不學竟去是以不列名獲免于難有忌諱語本前人詆斥之辭未經刪削

者潘吳以才名素著列之參閱實未嘗受其聘也盧氏紀事吳

等以莊為守財奴未受其聘徒以名重援入參閱有周恭先者既受聘矣以他事為莊

所擯亦免于難盧氏紀事余攷前代以著作賈禍者多矣國朝有

莊史及桐城方孝標二獄孝標事僅見全謝山鮎埼亭集亦未

能詳也莊史事記者頗多不無同異錯雜因總述其始終如此

夫允城以救梁飛鳳之故其禍即發于飛鳳查伊璜以識拔吳

六奇之故而六奇即有以免其禍報施之不同有如是耶余聞

之榮任烏程時頻過佑明佑明一見即咄咄稱怪以其貌似寺

僧也及史難作逆數殺僧之歲正二十餘年白鵝山房紀事又聞莊氏

後人曰史難將發時南潯市中忽有若風顛者走呼三日曰朱

氏絕莊氏滅湖濱雜記是知易所云積不善之家必有餘殃與淮南

南潯志

卷四十三

大事記二

子所云掘藏之家必有殃者洵非偶然矣管庭芬跋右翁海村

莊氏史獄記其中有可疑者四焉佑明之害湖商與僧曰二

十年後與汝了此公案然史難為吳之榮發于順治辛丑相傳

之榮後身即前之僧人其年數亦相符則害僧當在崇禎十四

五年間豈有一市僧殺人人皆側目而無敢入告有司任其漏

網則可疑者一商之寄銀七年而後來取則寄銀當在崇禎七

八年間時湖湘尚無兵燹不至道梗難行至辛巳壬午間流寇

充斥反欲載寶言旋此可疑妻潘氏入臬獄聞其夫已受極刑一

慟而絕蓋行爲麗京先生之亦以史禍牽涉全家入獄所

目擊者此云没于戍所拾骨歸葬可疑者三游墅權關主事購

一書至棄市并其吏役皆死將軍雖憐才陰護然將廷鉞等

折衷潯溪故老傳聞證以吳中先輩諸文集故其所
楊鳳苞記史案本末莊廷鑑字子襄先世吳江人其祖始遷居
烏程之南潯家巨富父允城字君維貢生生三子廷鑑其長也
少患瘋疾延良醫治之謂疾愈當損目試之果然廷鑑遂妄以

盲史自居其家與故相國朱文肅公家鄰因購得文肅史概未刻列傳稿本乃招賓朋羣爲增損修飾而論斷仍署朱史氏又續纂天啟崇禎兩朝事其中多指斥之語名曰明書輯略書成而廷籛死允城痛傷之爲乞故禮部主事李令哲撰序列吳越名士十八人爲參閱十八人者歸安茅元銘吳之銘吳之鎔令哲子初燾元銘子次萊烏程吳楚唐元樓嚴雲起蔣麟徵韋全祐全祐子某吳江張雋董二酉吳炎潘檉章仁和陸圻海甯查繼佐范驤也始天啟中文肅已彫史概五種大政大訓大事三記開國遜國諸臣二列傳版心皆彫清美堂莊氏史亦彫清美堂欲其版式整齊耳順治十七年冬刊成頗行于世陸查范三人未見書而聞其名在參閱中於是年十二月各檢呈於學道

南潯志

卷四十二

大事記二

八

胡尚衡胡飭湖州府學教授趙君宋

温州人拔貢生

檢舉君宋買此書

磨勘摘出毀謗語數十百條申覆學道

按君宋命本學生俞世楨磨勘俞本姓陳名旦

升原籍杭州

又列揭於學宮之門允城上下行賄竄易書中忌諱處

改刊數十葉仍然印行又賄巡道張武烈持君宋私款君宋不敢校而難稍已先是莊拜前道王允祚爲門生已而王官通政使莊藉其聲勢以改刊明書呈禮部都察院通政司三衙門檢察而推官李煥

寧國人順治九年進士

申文遂有既經部院檢察便非逆

書之語謂事可銷弭矣未幾李廷樞

字辰玉江甯人順治四年進士翰林院檢討出爲浙

作吳江人誤又發其事初廷樞任督糧道之榮任

江督糧道或

吳之榮

旗人

又發其事初廷樞任督糧道之榮任

歸安知縣以對揭贓款各坐絞罪繫獄遇赦得出二人流寓浙中越二年聞莊史事廷樞買得初刻書會湖州知府陳永命

旗人

人順治九年
進士庶吉士

其分房所取士也以書授之謂奇貨可居永命得

賂令將明書版貯庫檢原書還李而李毫無所獲復以書授之

榮蓋始相惡而繼相好又結婚姻也之榮挾以恐嚇莊氏莊氏

恃已呈部院不爲理乃搆於鎮浙將軍柯奎將奏其逆書允城

懼屬府學生徐典

字秩三原籍松江

居間餽松江提督梁化鳳千金梁

爲致書禮于奎而事得解之榮憤親詣莊氏覬其稍餽以解慙

莊復訟諸巡道責令歸旗之榮益憤藉口辭行索贖于董漢策

朱佑明及允城三家董贖以三千金莊朱皆不許之榮又踵莊

朱之門兩家男子走避令僕婦婢女羣出辱詈之而巡道遣佐

貳官率兵役立逐出境之榮憤甚誓雪讐耻入都籤標詆斥語

而補刻朱史氏卽朱佑明一條添入書內奏記於 顧命四大

南潯志

卷四十三

大事記二

九

臣 上聞命滿侍郎羅多等馳驛至湖州取府庫所貯明書版

知府譚希閔

順治四年進士

泣任甫半月懵不知逆書云何羅多諷以

賂希閔不應遂銜之械允城至都時康熙元年冬十月也允城

赴部刑訊不勝毒楚瘐死於獄磔其屍明年正月再命吳戴二

滿侍郎至杭讞其獄當之榮之首告也只恨莊朱二人與餘人

無仇又夙與令哲相善故其書毀去序文及參閱姓名數葉迨

執諸罪人至會城鎖禁於滿洲軍營佑明與君宋同繫一處佑

明哀之曰公爲首先舉發者必受重賞若得救我全家當以家

資之半爲報君宋貪而許之遂云此書不全姓名亦不真我有

初刻全本姓名無一參錯則以書中無朱史氏卽佑明一條故

也自君宋之書出而參閱之十四人

時董已前死查范陸三家免罪

撰序之李

令哲皆凌遲死

允城在刑部雖已招令哲作序而未見其文尚可游移趙書既呈無能置辯矣

又株連

姻族友鄰纍纍滿獄而君宋亦坐藏奔逆書處斬矣佑明實不豫史事然其家懸清美堂匾文肅之故物之榮嫁禍卽以爲據亦凌遲死案既定斲廷鑪棺灰其骸骨其弟廷鉞及其弟子與諸罪人之昆弟子孫年十五以上者均斬決妻女配瀋京披甲爲奴希閔絞死羅多陷之也煥亦絞部院司堂官懼罪屬殺煥以滅口也

煥亦受莊賄爲書吏施鯨伯所誤

永命以元年冬大計罷官行至山

東臺兒莊聞事發畏罪縊於旅店及是追柩至杭戮屍其弟江甯知縣永賴亦斬妻子並沒入官歸安訓導王兆禎署烏程教諭不數日而事起羅多發莊廷鉞在學拘禁兆禎誤信諸生五人卽列名參閱中者及縣役戈明甫暫釋廷鉞之京視其父而

南潯志

卷四十二

大事記二

十

允城斃獄中廷鉞收其餘骸至明年二月南歸兆禎已坐縱放重囚罪絞戈明甫論斬之榮又質奎徇情匿奏奎不能抵諱出化鳳手書爲徵化鳳方以平海寇功膺寵眷謂書乃典所僞造得脫罪而典械至京處決奎以滿人不識漢字免死歸旗尙衡武烈賂二侍郎及巡撫朱昌祚

旗人下

始得免罪復任二侍郎坐

廷樞不自首舉杖之將擬罪之榮力爲辯雪乃貰其罪而斬賣

書賈王起蛟

君宋在黃沙路書坊買得莊氏所刊明書書坊乃李姓所開王起蛟其掌店也

兩廣提督

吳六奇感繼佐恩極力營救至請納已之官易查之罪六奇平南藩下人故請無不得部議謂查范陸三人雖不比吳之榮之發覺亦係首事之人依例頒賞於是之榮得蔭襲拜他哈哈番給與莊朱各罪人財產之一查范陸亦給罪人之什物器用三

人均委之不顧而去其餘見諸亭林謝山兩先生記事中者此不具 顧彥全三家記莊史案事亭林謂廷鑑弟廷鉞兄則顛倒其伯仲貫齋謂廷鑑死其父復招賓客續成不知成書在廷鑑未死前此皆其誤之小者耳若謝山則大誤矣朱文肅作恪茅元銘作錫吳之鎔作鏞柯魁作松魁此名之譌也李令哲官主事而書侍郎府學教授及歸安訓導署烏程教諭是爲兩學官而漏去府學分歸安烏程爲二此官之譌也參校列名皆江浙人而曰江楚諸名士此地之譌也其尤甚者云歲癸卯吳之榮罷官謀以告訐爲功案吳李對揭罷官在癸巳繫獄六年赦免在己亥首告在壬寅至癸卯五月史案已結矣世或據三家以證余誤故附錄其文而辯之

南潯志

卷四十三

大事記二

十一

董志莊廷鉞莊廷鑑其先震澤陸家港人俱明諸生素饒於貲避盜遷潯卽開質庫於潯值明末寇亂一日鑑妻攜婢探親途遇寇掠婢去不從死鑑妻遁歸白其故旋自縊死鑑憤悼不娶謂古人憤而著書思作一史以傳于世會朱平涵公之孫匱乏持史概續稿詣莊質庫典銀五兩鑑喜甚卽浼其西賓嚴某集諸同人錄之爲藍本延查伊璜董誦孫潘檉章吳炎吳敬夫張西廬諸名宿刪定纂削稿成付梓朱雲鴻字佑明佐其刻資署名清美堂藏板適歸安知縣吳某去任過潯叩朱告貸朱遣子持白鏹百金往贖子忽其休官將銀自入私橐竟拒之吳至吳江於坊間得是書卽往吳江縣呈首事發凡書中列名者皆伏誅而朱與莊俱遭大戮

董志

史案本末李令哲字霜回歸安人少有能文聲以長興籍中天啟四年舉人榜名木實字端木後改今名崇禎十三年成進士授江陰知縣以廉謹稱宏光時擢禮部儀制司主事史閣部開府揚州設禮賢館令哲與焉國亡歸里徙居郡城宅後鄰烏盆巷築園名是山以志不忘貽安也因號是山石嬾與潘天行居貞沈宋圻圻生李夏器不器諸人詩篇酬和又分選同時郡人詩爲同岑集仲子初燾字宏士負才馳聲氣偕莊廷鉞左黃費爾莊夔一結徵書社而莊費尤爲刎頸交莊氏將梓明書廷鉞欲廁爾莊名于參閱中又欲費父韞生作序允城惡爾莊輕佻薄韞生無文名皆不許而屬意令哲遂乞初燾轉爲之請乃假手同年陶鑄代作焉初令哲營生壙於趙灣旣成夜夢羽士示

南潯志

卷四十三

大事記一

十二

以絕句

或謂發地得石刻

云虎穴何須蓋陶公首上文茂宗勤行在

或作

莫談身後事

慎勿昧前因不解所謂自作蒼山生壙紀事詩眾謂祥

徵不知預爲陶代作序之讖也獄急時人皆嗾其指陶令哲曰

無益於我徒損彼耳遂堅自認長孫王綸僞作王姓繼來者免

死充軍

實中表陳紫崧之謀

初燾一子年五六歲乳母負之逃去餘家口

悉駢戮于市而費氏父子幸不列名書中得免其難鑄字子固

烏程人

國朝官平湖教諭有坐秋軒文集

史案本末

楊鳳苞記朱佑明朱佑明自其父以上世業木工其兄始商於楚豫間居積頗厚兄死佑明又力經營至鼎革之際其門下估客各思避亂委其貨以去國初商賈不通物價騰湧數十倍由是家益富一時搢紳皆與結婚郡城張御史嘉以兄子妻其仲

子彥紹佑明奉之甚厚嘉弟漢性險譎以奉之者降嘉一等憾之甚時佑明充浙江織造局內堂長家居石橋浦臨太湖羣盜出沒其間乃召募勇士置軍器弓刀槍礮無不具爲禦盜備也漢以此與分巡道史儒綱密謀將發爲兵役所泄佑明立取諸軍器沈於湖史至徧搜不獲而兵役船夫偶取其上供錦段以去佑明訟諸織造太監盧九德厚賂之九德疏劾儒綱以朝廷職官強劫 御用袍服罪斬遇赦減等遣戍於是佑明之名震遠邇草菅人命爲其破家者不可勝計有二女一嫁潘尙書季馴諸孫一嫁姚掌科延啟之子長子念紹娶仁和王兵曹羽之妹按王氏係烈婦已載節烈叔子克紹娶曹村金太傅之俊女佑明益恃無恐然終以其居鄰盜窟時有戒心乃買南潯董氏廢第改造費

南潯志

卷四十二

大事記一

十三

白金數萬壯麗甲于一郡落成時適之俊假歸迎之過新宅張宴數日日以千金爲供之俊歸諸子問朱之新第何如之俊曰在大貨船中酣飲幾晨夕耳又問其故曰若盪湖船卽有名公書椽矣佑明聞而病之值其甥買得朱公國禎家清美堂椽董文敏其昌書款書朱老年親臺天然巧合遂送佑明懸之廳事禍所伏也及逆書獄起已約以十萬金賂巡撫朱昌祚僅流徙一身不累家口旣而王羽又屬管理南關旗下人圖賴通吳戴二侍郎關節賂省而悔前議昌祚大恨告二侍郎曰朱佑明家富耦國外間喧傳齎銀百萬賄求免死但之榮巨猾恐被首發禍反及身矣言未旣而圖賴至吳戴立謝之迨對簿之榮復質其家見有清美堂椽更何辯獄遂定佑明磔三子與姪繹先皆

戮惟幼子得戍邊籍共家珍寶無算眷屬悉隸關外妻徐氏吞金以殉是時之俊予告家居亦不能庇其女云

楊鳳苞茅鼎叔紀畧茅元銘字鼎叔花林人副使坤之孫早慧八歲通章句十四補諸生好讀史上下古今聲氣所暨皆四方奇俊之流注名復社同邑章上奏諤臣舉砥行社徐行道周舉澹成社元銘皆與焉順治末歲貢生年幾六十矣授朝邑知縣當莊氏招撰明書元銘與子次萊預編纂之役事發皆罹于禍次萊妻黃氏殉其夫

楊鳳苞吳敬夫記畧吳楚字敬夫西林村人烏程諸生耽吟詠好鍾譚派董說稱之嘗偕閔聲選唐詩嶺雲集吳江吳宗潛序之行於世及楚預史禍聲宗潛悉下獄時以史案係累者多文

南潯志

卷四十二

大事記一

十四

士諸人銀鐺狴犴慨賦詩互相酬答後各免歸聲合諸家詩鈔爲圓扉鼓吹編云

鈕琇臨野堂別集吳愧菴名炎潘力田名樾章才望相埒康熙癸卯二月同以史事株連逮繫虎林軍營吳有營中送春詩云一半春光縲紲過唾壺敲缺待如何鶯聲啼老聽難到柳絮飛殘撲轉多晚晚斜陽連雉堞朦朧短夢繞巖阿不堪往事成回首總付錢塘東逝波潘漫成四首其一抱膝年來學避名無端世網忽相嬰望門不敢同張儉割席應知愧管寧兩世先疇悲欲絕一家累卵杳難明白憐腐草同湮沒漫說雕蟲誤此生其二吳關一路作羈纒棘木庭前聽五詞已分殘形輕似葉卻憐衛足不如葵下堂眞愧先賢訓抱壁幾同楚客悲縱使平反能

苟活他年應廢蓼莪詩其三園土初經二月春薰風又到繫維
身流螢夜度綈袍冷採蕨朝供麥飯新敢望左驂歸越石還期
長珮擬靈均多情最是他鄉侶閒譜龜茲慰苦辛其四閱歷風
霜祇自疑難將身世問時宜窮愁只合吾儕事姓氏羞爲獄吏
知見說成書刑鑄鼎不聞有夢召胥靡南山此去躬耕好未可
重題酒後詩與美生對酌絕句云平生恨不學屠沽輸與高陽
一酒徒此日尊前須盡醉黃泉還有賣漿無是歲五月吳與潘
俱磔於杭之弼教坊同死者二百餘人先一日吳語其弟曰我
輩必罹極刑血肉狼籍豈能辨識汝但視兩股上各有一火字
者卽我尸也聞者無不流涕

志稿鈕玉樵

琇

臨野堂集黃圭庵詩文集序云吳愧菴先生被

南潯志

卷四十二

大事記一

十五

難其妻子流離冀北老母年且七十餘髮垂垂白覆雙耳倚徙
蓬葦間天涯目斷旅櫬浪泊而閨中婦殉義國門外幼孫被羈
縲走遼海數千里道旦夕之膳待命閭里嗚呼悲矣玉樵有感
事詩云赭服南冠兩鬢華卻攜妻子繫天涯春風客淚河橋柳
夜月鄉心驛路笳慟哭范滂猶有母飄零張儉已無家只今知
已多豪俠空憶當時廣柳車又有弼教坊詩云絕命悲辭獄裏
成銜鬚赴市氣崢嶸曾無富貴娛楊惲偏有文章殺禰衡白骨
幾人收遠瘞青編何日署空名只應日夜錢塘水怒作寒濤千
載聲蓋皆爲愧庵作也

顧炎武書吳潘二子事蘇之吳江有吳炎潘檉章二子皆高才

當國變後年皆二十以上並棄其諸生以詩文自豪旣而曰此

不足傳也當成一代史書以繼遷固之後於是購得實錄復旁搜人家所藏文集奏疏懷紙吮筆早夜矻矻其所手書盈牀滿篋而其才足以發之及數年而有聞予乃亟與之交又數年潘子刻國史考異三卷予服其精審會湖州莊氏難作莊名廷鑑目雙盲不甚通曉古今以史遷有左邱失明乃著國語之說奮欲著書其居鄰故閣輔朱公國楨家朱公嘗取國事及公卿誌狀疏革命胥鈔錄凡數十帙未成書而卒廷鑑得之則招致賓客日夜編輯爲明書書冗雜不足道也廷鑑死無子家貲可萬金其父允城流涕曰吾三子皆已析產獨仲子死無後吾哀其志當先刻其書而後爲之置嗣遂梓行之慕吳潘盛名引以爲重列諸參閱姓名中書凡百餘帙頗有忌諱語本前人詆斥之

辭未經刪削者莊氏旣巨富浙人得其書往往持而恐嚇之得所欲以去歸安令吳之榮者以贓繫獄遇赦得出有吏教之買此書恐嚇莊氏莊氏欲應之或曰踵此而來盡子之財不足以給不如以一訟絕之遂謝之榮告諸大吏大吏右莊氏不直之榮之榮入京師摘忌諱語密奏之四大臣大怒遣官至杭執莊生之父及其兄廷鉞及弟姪等并列名於書者十八人皆論死其刻書鬻書并知府推官之不發覺者亦坐之發廷鑑之墓焚其骨籍沒其家產所殺七十餘人而吳潘二子與其難當鞫訊時或有改辭以求脫者吳子獨慷慨大罵官不能堪至拳踢仆地潘子以有母故不罵亦不辨其平居孝友篤厚以古人自處則兩人同也方莊生作書時屬客延予一至其家予薄其

人不學竟去以是不列名獲免于難二子所著書若干卷未脫稿又假予所蓄書千餘卷盡亡予不忍二子之好學篤行而不傳於後也故書之且其人實史才非莊生者流也

蠅鬚館詩話莊氏史案之波及吳潘二子者實非應得之罪百

餘年來其著述遺聞半歸湮沒唯王曉菴先生詩文集中尚斷

斷不置真可謂歷歲寒而不渝者也古詩中齊化門一首注赤

民夫人絕命處詩云白日荒荒仲夏嚴霜蕙凋蘭萎不改其芳

一江東之羽羅于薊北淘河仰窺爭爲德色二寄言淘河德色

何爲冥冥羽化樊籠安施三謂金可開謂石可裂願爲精衛海

枯根竭四養氣旣充刑于不爽如月之望與日代光五又廣甯

城一首注力田夫人絕命處詩云大凌河東日欲低廣甯城中

南潯志

卷四十三

大事記二

十七

牛馬嘶道旁宛死誰者氏忠臣之女烈士妻憶昔干戈擾京國

紛紛肉食皆偷息中翰指力田婦翁沈君暉乙酉殉難捐軀甘若飴江左江山

爲生色回首俄驚二十祀遺息伶丁歷九死茹荼齧蘖初長成

喜嫁良人得良史不逮事嫜逮事姑鴉哺還能均兩雛但知婦

德足慈孝安知世路多崎嶇崎嶇世路原缺十字弱質何堪虓虎

毒刀圭日夕謹護持下報良人義不辭遺腹有兒轉自傷一綫

千鈞安置之忍死北至長安門嗟哉朱郭不復存迴輪浪向遼

東去愁腸百折心煩冤本爲遺孤重跋涉遺孤已亡安用妾千

秋榮辱爭須與豈惜餘生輕似葉嘔血伏車意獨苦葬身無復

南朝土萬里貞魂歸不孤後有良人前有父父兮夫兮同不朽

先驅況有延陵婦指赤民夫人九京猶憶分酖時相逢各喜無相負

氣作長虹精化李更結愁雲蔽明月愁雲蔽月何嘗開廣甯城
崩遼水竭據二詩則吳妻先處極刑而潘婦以有遺腹遣戍遼
左迨遺孤既隕而沈氏亦遂殉節爾非曉庵之詩人又烏能知
二婦之貞與烈哉

按力田弟稼堂未官翰林嘗白兄冤於朝蒙恩昭雪

又顧寧人先生亭林集有汾州祭吳炎潘檉章二節士詩云露

下空林百草殘臨風有慟奠椒蘭韭溪

二子所居

血化幽泉碧蒿里

魂歸白日寒一代文章亡左馬千秋仁義在吳潘巫招虞殯俱
零落欲訪遺書遠道難二子蓋因吾鎮莊氏史事而死

盛百二袖堂筆記稼堂太史送其猶子至遼作度關曲蓋身歷
其情景不自知其悲楚激昂他人擬作決無此真性靈發出也
康熙初湖州莊氏史禍吳越名士因嫁名罹其害者十七人子

南潯志

卷四十二

大事記一

十八

孫皆發遣而潘力田先生遂與其難後雖逢赦然安其風土而
不能歸矣十七人之外如陸麗京范文白查伊璜賴有力者爲
之代白故得免麗京被縑雲遊四方後雖暫歸究不知所之麗
京之女名莘行七歲卽能詩著有雲遊始末以紀其事

莘行後歸園花

祝氏

蠅鬚館詩話西廬文鈔一冊文僅四十餘首所紀遺聞逸事亦
少今擇其稍明哲者著於篇歲交詩序曰予得交此翁因漁菴
時漁菴居南城方卻黃蘖嗣書閉關高枕人罕識其面而此翁
孝章醒公諸君子獨晨夕焉此翁兩節母尚無恙每炷香瀹茗
先供二母次以及客指之曰吳中詡二石像此乃吾維衛迦葉
也旣此翁以孝動天子兩節母死生得褒揚至顯榮矣漁菴忽

忽棄南城去未幾天地崩坼寄命戈鋌以此翁之孝至不能躬其親之含殮而漁菴亦流離禾瑣以歿舊日吟風弄月之地轉盼爲灌莽斯何時哉而此翁乃以君親無窮之一舉而注之于漁菴十餘年間幻潯南沮洳之地爲琪林香谷凡漁菴之所欲爲而不得爲者靡不爲之不知天之借此翁以成漁菴乎抑亦借漁菴以成此翁也抑漁菴之于此翁各自有在兩相成安知其不兩相落也今漁菴之窳堵巋然而兩節母之遺像在室每過其處高風謖然彷彿南城時又不知今之時爲何時也歲交詩者此翁自譜其流離廢興之迹因日月之終始而爲之永言寤歎者也首某年繼某年某年以暨于今志其初志其變而特未得其止也是義熙以後之甲子也醒公已矣孝章猶在尙可

南潯志

卷四十三

大事記一

十九

得而識其意也又刻證人譜跋曰證人譜者念臺劉先生之所以爲教也先生未沒時刻于越中後十三年朱子相氏復刻于潯上子相文肅公之孫從吾友沈尹同子游樂善不倦庶幾復先生之教以自證者憶甲申之歲杪予得晤先生之友元趾王先生生于潯上元趾盛稱此書其明年元趾遂與先生俱成千古竊謂元趾在潯宜有俎豆今是書之刻于潯倘亦元趾之意也夫刻成又三年歲在屠維閏月之朔後學張雋謹跋聊誌之以備潯之掌故

陸以泝冷廬雜識吾邑周孟侯先生拱辰明季貢生先世累著清德母夫人夢硯生花而生公比長聰穎絕人又勵志於學嘗坐小樓去梯三年讀古今文五千篇有奇由是才藻豔發名噪

一時吳興莊廷鉞將刊明史以厚幣聘公先一夕公夢其父界以一合啟視之則赫然一人頭也驚而寤適莊使至有驚於是夢峻詞卻之及明史禍發諸名士株連被戮者多公獨脫然無累說者謂世德之報

按拱辰爲以滌母氏之七世祖桐鄉人

董燠董氏詩萃吳淩支誦孫公諱二酉郡試太湖賦得名已從張雋先生研味濂洛書館閣修書傳彙纂頗採其說并列其名於諸儒中史禍株連已前卒坐其家

徐逢吉清波小志萬松嶺之中爲萬松書院志稱宋時有報恩寺久廢明宏治十一年浙江右參政周公因寺舊址創建書院名曰萬松後復圯毀至康熙十年巡撫范公承謨以南潯朱氏籍沒之屋題准移構于此仍稱萬松書院康熙五十五年賜額

南潯志

卷四十二

大事記二

二十

浙水敷文四大字自此改稱敷文書院

冬心廬雜鈔朱佑明舊居在白鵬兜今董氏世居之董始售於朱及朱籍沒官價贖回世德堂一宅計銀六百兩今尚有官給執照存焉按世德堂朱爲正明堂乃居中正廳事額版仍朱氏舊物髹漆之內隱隱露正明二字痕其左壽俊堂朱爲尊樂堂其右偏南小廳今王姓所居爲清美堂蓋當時書舍爲留賓宴

會之所云

汪志云清美堂已拆毀移建杭州敷文書院王姓所居敬義堂乃後來所建特卽其遺址耳

熊懋蔣希圖聞問錄吳興莊某作明史以查伊璜列入校閱姓氏伊璜知卽檢舉學道發查存案次年七月歸安知縣吳某者持書出首累及伊璜伊璜辨曰查繼佐係杭州舉人不幸薄有微名莊某遂將繼佐列入校閱繼佐一聞卽出檢舉蓋在庚子

十月吳令尹爲莊某本縣父母其出首在辛丑七月若以出首早爲功則繼佐前而吳某後繼佐之功當在吳某之上若以檢舉遲爲罪則繼佐早而吳某遲吳某之罪不應在繼佐之下今吳某以罪受賞而繼佐以功受戮則是非顛倒極矣諸法臺幸爲參詳各衙門俱以查言爲是到部對理竟得昭雪遂與吳某同列賞格分莊龍籍產之半

蠅鬚館詩話潯溪莊氏史案自亭林文集載吳潘二君之外或言張非仲實與斯旤然不見載紀今讀全謝山先生文集有陸麗京先生事略則講山先生其一也按事畧陸圻字麗京杭之錢塘人也與其弟大行培並有盛名爲登樓社世稱爲西陵體乙酉之難大行里居自經死先生匿海濱尋至越中復至福州

南潯志

卷四十二

大事記一

二十一

薙髮爲僧母作書趣之歸先生尙崎嶇兵甲之間思得一當事去乃返雅善醫遂藉以養親所驗甚多會莊鑰史事發刑部當大逆詞連先生與查繼佐范驥三人於史固無豫莊氏以名高故列之卷首械繫按察司獄久之事白 詔釋之旣得出歎曰余自分定死幸而得保首領宗族俱全奈何不以餘生學道耶貽書友人封還月旦不知所之蓋講山與潯董氏固有交豐草菴集有麗京賣藥謠并序秋日得陸麗京書餉余恭壽堂診籍詩云涼雨吹枯澤涸不能拔擢秋蘭槁麗京賣藥不能起豐草麗京賣藥三吳豐草抱疾蘋洲青松爲籌落梅爲點閉門偃蹇排河圖爾爲醫恭壽著書言怪奇我且爲卜不敢日垂簾于蜀可以療飢不相見十年十年相思千秋萬歲謂我二人何爲乎

湖錄閔聲字毅夫號雪蓑烏程人少有才名善飲醇終日引滿不醉醉愈豪舉筆灑灑千言人以擬徐文長盧次梗之間明季乙酉將歲貢竟以逸民自置同郡吳楚選唐詩名嶺雲集聲爲之序先是南潯莊氏私纂明史禍至九裂奸人因而索賂別生事端以楚同事莊史遂累聲下獄一年日爲詩自娛時浙中以他案受文字之禍者纍纍滿獄羣起而和之曰圜扉鼓吹迨獄解年已七十矣性仁恕見義必爲家益落工書法雕篆晚年藉以餬口猶及見其子夢潮乙卯登科壽八十四無疾卒

賈齋遺集吳江四子張雋年最長董二酉次之吳炎又次之潘檉章最少皆博聞有才棄諸生以著述自娛南潯有瞽者莊鑰私輯明史未成前死其父復招賓客續成之有吳之榮者舊茗

南潯志

卷四十二

大事記一

二十二

中令坐法罷官將去挾之以要賂於莊氏莊氏不從之榮慚而怒上書告其事事下所司窮治辭連雋炎檉章或勸之自爲計笑不應闔戶攝衣冠危坐以待捕者在獄賦詩相酬和遂論磔戮其同產昆弟子男年十五以上者妻屬徙邊二酉死二歲未葬剖棺判其尸妻子論如例母年九十餘死於途雋字文通一名僧願二酉字仲孫炎字赤溟檉章字聖木更字力田籍其家惟有書籍而檉章家爲最多云

震澤縣志沈鎌字兼人少讀書隱居農圃處士王錫闡女弟許嫁某氏子未婚某氏子坐父累發遣女日夜涕泣求死誓不更字人鎌王氏戚也聞而悲之遂子身走數千里抵塞外踐冰雪設奇運策卒歸其夫而合配焉某氏得有後以延其宗祀皆鎌

力也檢討潘耒高其義比之吳保安云

潘耒遂初堂本集

紀磊沈眉壽震澤鎮志王濟字日鱗本姓莊陸溪人年十三爲諸生聘王錫闡女弟錫蕙未婚以家禍戍瀋陽及歸隱洞庭翠峰寺後贅錫闡家遂從其姓旋徙爛溪潛心正學於身心性命頗有所得卒年五十二著半硯齋詩文集錫蕙字樹百性淑敏得兄錫闡指授通歷算勾股法莊氏禍作屢求死母吳護之得免後歸於濟有唱隨集五卷

臨野堂別集吳南邨先生明末食餼歸安名馳三吳兩浙間鼎革後改名宗漢與兄東籬弟西山偕隱終其身絕迹城府吳興莊氏聘修明史堅拒之卒免於難

姚汝霖黽勉園雜著先輩有識見過人處莊氏修明史紀略吾

南潯志

卷四十三

大事記一

二十三

友紀達階

度

陸彬甫

璘

亦受莊聘其業師張繹庵

應綸

懼其罹

禍也日至莊氏門與達階彬甫揚厲舖張講項宮詹制藝人以時文鬼笑之則曰吾恐殺身故但講時文耳莊心厭之而無法以遺因辭紀陸二人故紀陸不與禍皆張先生之力也

善田張氏族譜張漢翼述云余家豐芑堂住宅本思齋公別墅

也先大父君如公復于宅後置田二十餘畝並桑地一畝八分桑地南傍徐家漾小兜北傍白鵬兜白鵬兜東卽朱佑明家與余家一牆相隔佑明惑于風鑑家言欲將兩小兜鑿通因謀買所置桑地公不肯售及崇禎庚辰春家大人諱麟生字聖游途遇佑明佑明強邀至家有王某者與朱素親暱預爲代寫賣契注明價銀二十兩并以銀強納家大人懷中逼令用押家大人不可擲

銀于地而出佑明喝悍僕數人持械追毆家大人驚走失足墮白鷗拋水中幸鄰里急救得免漢翼等因約族人執朱家悍僕赴縣控訴官置不理家大人憤恨歸家大病幾殆迨康熙初佑明因逆書一案全家伏誅產業入官朱產西南角隙地三分平房榜曰留雲并跋於後蓋以雲不可久留欲子孫體此意以相倣免也家大人臨終誠漢翼等曰天道惡盈一切損人利己之念斷不可有試思三十年前余受朱氏凌侮幾不得死于枕席一轉瞬間人所謀我者不爲人佔我所不謀者反爲我有可慨也亦可懼也汝曹宜謹識之

潯輯倉橋邢氏藏有康熙四十年里人公呈底稿三紙大同小

南潯志

卷四十二

大事記一

二十四

異今撮其略于此呈爲逆黨違 旨欺憲舞弊殃民公籲矜鑒誅惡蘇困事康熙二年間逆犯朱佑明等一十八案造寫逆書生者凌遲死者戮屍房產籍沒家口流徙佑明盤剝億兆號稱百萬所有民間房屋田地逋債抵馱當卽報官造冊隨後墳園簿欠對驗不爽差官估勘奉 旨變價其承佃租戶鱗派各項珍珠路費細軟路費家口路費逃人路費皇租部費倍於正價奉比督追尋蒙 特旨召佃 欽房俱係同郡紳衿士民地方塘保舉報並無告佃之人納價則櫃吏苛勒火耗加二彙解則有收頭催頭解司項下使用加三官攫參罰民罹血比上累父母下鬻兒孫所費不貲難以枚舉歷有案據

一呈云估價召佃各憲府廳縣屢受

違限參罰因傳合郡紳衿公議坐名報佃責押承認自康熙二年起至十三年止一切耗費雜用倍于正價十年追比慘累難

名又一呈云佃戶之死於敲自承佃以來三十餘年又一呈云

扑斃于挖累者不一而足佃帖給自

對前朱逆之孫朱駿肇越次潛回兩次陸信源陸美中等即欲

造謀詐害民間奉部迫緝回莊今朱大成一呈云朱佑明 矚

朝廷有捐納馬駝贖罪之例 恩准回籍月一呈云上年九 不思

悔艾乃反親齎部文到轅投遞假捏安插清業四字咨外開有

業四字 混呈在案冀翻朝廷成案贖變價之欽房蒙批烏程縣

查報冊一呈云串構陸信源等捏稱佃中遂將八官房產編造一

恐招搖 據稱回贖有例不知此例何來納一呈云奉旨承佃價

何授受而稱回贖即所開安插清業一語原無清贖房又云身

生關外父沒北方贖造之冊籍明係陸信源陸美中唆誘扛幫

南潯志 卷四十三 大事記二 二十五

美中更名兆嘉稱係譯字官生鑽營護身招搖打合總甲履戶

挨查又一呈云于今十一月手執一冊逐 佃戶皇皇無定為此

哭叩憲天矜電輿情燭奸剔弊將本犯朱大成暨黨棍陸信源

等立實重典激切上呈

又莊廷鑪病歿即葬于吳江六都北洪字圩按今地分屬震澤 墓門上

有才高班馬四字浙江學政谷霖蒼題及剖棺戮屍墓門亦毀

今虛塚遺址猶存孫陽顧六都志作莊左黃墳者誤也